




National Agricultural Research Institute

Sapos yu laik kisim sampela moa bilong dispela toktok  
yu ken rait ikam long:

Research Programme Leader  
Dry Lowlands Programme, Laloki  
PO Box 1828  
PORT MORESBY  
National Capital District  
Papua New Guinea

Telephone: (675) 3281015/3281068  
Fax: (675) 3281075  
Email: [dlplaloki@datec.com.pg](mailto:dlplaloki@datec.com.pg)

## TOKTOK BILONG TARO MINI-SETT




NARI TOKTOK  
LAL002P

May 2002

## Wanem samting em Taro Mini-sett ?

Taro mini-sett em liklik hap bilong kaikai bilong taro igat ai long en.

### *Kaikai blong Taro*



## NARI EM WANEM

**Nesanel Agrikalsa Rises Insitut (NARI)** em i kamap long wanpela mama lo long Nesanel Palamen blong Papua Niugini long mun Julai insait long yia 1996. NARI em wanpela blong ol han blong gavman wei bai kamapim gutpela wok painim aut long ol kainkain kaikai blong gaden, ol narapela niupela kain kaikai ol man ino save gut, ol krop blong salim, ol abus na tu lukluk long wei blong lukautim ol resos (giraun, wara, diwai) blong kantri. NARI tu save kamapim ol wok painim aut long ol sik, sekim ol gutpela na nogut marasin stap insait long ol plants na givim toksave long stretim ol dispela kain hevi. NARI save givim niupela save long wok agrikalsa insait long Papua Niugini. Ol wok NARI i kamapim em blong halipim ol liklik fama long ples.

Nambawan as tinting blong NARI em long kamapim gut wok agrikalsa insait long kantri bihain long ol wok painim aut. Long kamapim gut wok blong agrikalsa, NARI save painim aut ol gutpela wei, traim ol niupela na gutpela wei and sapos i wok, em i traim long soim ol fama manmeri. Long dispela wei, NARI laik kamapim:

- kirapim gutpela na strongim wok blong ol fama, wei blong wok didiman go srtet na bai strongim agrikalsa blong nau na bihan taim,
- bai kamapim wei long kisim moni, bai kamapim gutpela kaikai na moa kaikai olgeta taim na tu bai stretim gutpela sindaun blong ol manmeri blong Papua Niugini

**Dispela toktok em Janet Paofa iraitim long NARI Dry Lowlands Programme long mun Mei 2002.**

Kapamapim mini-sett wantaim sodast o graun inap tasol long haitim mini-sett, na givim wara.

Givim wara olgeta dei, noken larim graun idrai. Sapos yu no givim wara gut em bai mekim hat tru long kru bilong taro long kamap.


Kru bilong taro bai kamap namel long tri na foa wik.

### **Toksave:**

Mini-sett o liklik hap bilong taro igat ai bai redi long planim bihain long tripela wik. Wanpela gutpela samting long mini-sett em yu inap kisim planti taro bilong planim long wanpela kaikai bilong taro.


Wanpela namel sais taro kaikai mak olsem 20 x 6 centimeta inap givim 6 o 8 pela mini-sett o liklik hap bilong kaikai bilong taro igat ai.

### ***Taro mini-sett o liklik hap blong kaikai bilong taro igat ai***



### **Redim Mini-sett long Planim**

Kamautim taro taim emi redi long kaikai.



Klinim taro wantaim han na katim het blong taro.


Katim kaikai blong taro long ol ai istap long en. Noken katim klostu tumas long ai, bai yu inap bagarapim.

### **Rot bilong planim Taro mini-sett long politin bag o plastic bag**

Kisim gutpela blakpela graun na pulimapim long politin bag sais olsem 6 x 9 centimeta.

Planim mini-sett insait long politin bag na givim wara long em. Taim yu planim yu sanapim stret, noken slipim mini-sett.

### ***Rot Bilong Planim taro***



Givim wara long mini-sett o ai bilong taro tripela taim long wanpela wik.

### **Rot bilong planim taro long neseri bet**

Redim neseri bet inap olsem 100 centimita bikpela na 30 centimita antap.

Putim sodast o gutpela blakpela luslus graun antap long neseri bet bikpela bilong sodast o graun olsem 3 centimita.

Planim taro mini-sett insait long sodast o graun. Sanapim mini-sett klostu klostu long narapela bai skin blong taro igat ai long em noken istap aninit na bai mekim taro I kamap kwiktaim. Lukim long piksa daunbilo.

### ***Neresi bet na rot bilong planim mini – sett***

